



SUPREMUM
SIGNATURAEE APOSTOLICAE
TRIBUNAL

PALAZZO DELLA CANCELLERIA
00120 CITTÀ DEL VATICANO

Prot. N. 4421/22 SAT

Pervenit ad hoc Supremum Tribunal exemplar decreti diei 16 iulii 2022, quo Exc.mus Episcopus Uritanus constituit Tribunal Dioecesanum ad cognoscendas ac definiendas in primo iudici gradu causas matrimoniales. Quomodo Tribunal Dioecesanum Uritanum nunc competens est ad cognoscendas ac definiendas in prima instantia omnes causas iudiciales a iure expresse non exceptas.

Quibus praehabitis,

SUPREMUM SIGNATURAEE APOSTOLICAE TRIBUNAL

Re sedulo examini subiecta;

Attentis relatis ab Exc.mo Episcopo Uritano;

Considerato quod Episcopus Uritanus, cum decreto diei 16 iulii 2022, a Tribunali Interdioecesano Barensi-Bituntino seu Regionali Apuliae recessit;

Perspecto quod, attento transmiso una cum litteris diei 12 septembbris 2022 indice administratorum, evincitur omnes administros gradu academico in iure canonico lege canonica requisito pollere;

Integro manente iure appellandi ad Rotam Romanam iam a secunda instantia ad normam can. 1444, §1;

Animadverso quod de statu et activitate Tribunalis Dioecesani Uritani quotannis relatio Supremo Signaturaee Apostolicae Tribunali exhibenda est ;

Visis cann. 1419, § 1 et 1438, n. 1 praescriptis;

Auditio Rev.mo Promotore Iustitiae deputato;

Vi art. 194 Const. Apost. *Praedicate Evangelium* necnon artt. 32 et 35, n. 4 *Legis propriae* qua H.S.T. regitur,



DECREVIT

recognoscendam esse et facto recognosci Tribunalis Dioecesani Uritani primae instantiae constitutionem pro causis matrimonialibus, atque designationem Tribunalis Interdioecesani Barensis-Bituntini utpote eius Forum appellationis,

ATQUE DECLARAVIT

confirmandam esse et facto confirmari designationem Tribunalis Metropolitani Tarantini utpote Forum appellationis pro causis non matrimonialibus decisio coram Foro Uritano.

Hoc decretum a die 1 ianuarii 2023 vigere incipiet.

Quoad regimen causarum praefato die pendentium, servetur, saltem ex analogia, praescriptum art. 22 Normarum pro Tribunalibus Interdioecesanis, vel Regionalibus aut Interregionalibus ab hac Signatura Apostolica die 28 decembris 1970 editarum (AAS 63 [1971] 492).

Quod notificetur iis quorum interest ad omnes iuris effectus.

Datum Romae, ex Aedibus Supremi Signaturae Apostolicae Tribunalis, die 15 septembris 2022.



Ex. Card. Mamberti

Dominicus Card. MAMBERTI
Praefectus

+ Andrea Ripa

¶ Andreas RIPA
Episcopus tit. Caeretanus
Secretarius

CONCORDAT CUM ORIGINALI
die 15 septembris 2022

Mons. Mário Leite de Oliveira
Supremi Signaturae Apostolicae Tribunalis
Moderator Cancellariae